



Crimen Fori Ecclesiastici

Seu Decretalium Gregorii IX. Pont. Max. Liber V ; Brevi Methodo ad dissentium utilitatem Expositus, In quo praecipuae circa Materiam hujus Libri Quinti, quae tum in Theoria, tum in praxi occurunt, difficultates solvuntur, allatis etiam contrà sentientium fundamentis, & horum solutionibus

Accedunt duo Indices, unus Titulorum initio Operis, alter rerum, & verborum notabilium in calce ejusdem

Schmalzgrueber, Franz

Ingolstadii, 1727

VD18 13510827-001

§. III. De Adulterio.

[urn:nbn:de:hbz:466:1-75232](https://nbn-resolving.de/urn:nbn:de:hbz:466:1-75232)

& uterque ad id concurrens, eo ferè modo, quo dividenda est res, quæ certò spectat ad duorum alterutrum, nescitur autem,

ad quem illorum. Vasquez in 1. 2. D. 66, n. 44. & 47. quem sequitur P. Wiesner hic n. 34. & 35.

S. III.

De Adulterio.

SUMMARIUM.

- 62. Adulterij Definitio.
- 63. Ejus malitia in quo consistat?
- 64. An purgetur per consensum alterius conjugis?
- 65. 66. Quotuples sit Adulterium?
- 67. 68. An committatur cum uxore putativa, vel Sponsa alterius?
- 69. 70. Pœna adulterij Civilis.
- 71. Pœna criminalis Jure Ecclesiastico.
- 72. &c. Et Jure Imperiali.
- 73. &c. Causæ excusantes à Pœnis adulterij.
- 80. Quo tempore accusatio ejusdem cesset?
- 81. An conjux innocens agere contra alterum de adulterio possit?
- 82. 83. An uxor accusare adulterium mariti?
- 84. 85. Quis ordo observandus inter eos, qui possunt hoc accusare?
- 86. An illius accusare etiam possit minor 25, annis?
- 87. 88. 89. Quinam accusari de illo possint?
- 90. Quid sit Lenocinium, & que illius pœna?
- 91. &c. Quenam probatio requiratur, & sufficiat ad probandum Adulterium?
- 95. 96. Quis sit Judge competens in causa ejusdem?
- 97. 98. An qui criminaliter egit de adulterio postea de illo agere possit civiliter, & viceversa?

62. **Q**uaritur 1. Quid sit Adulterium? 2. Adulterium dupliciter potest accipi. 1. late, in quo sensu est quæcumque coniunctio carnalis, non conjugalis can. nemo 4. aus. 32. q. 4. 2. strictè, & propriè & eatenus est violatio thori alieni. Sylv. V. Adulterium n. 1. Host. in Summ. bic n. 1. Vallens. §. 1. n. 1. Pithing n. 1. König n. 3. Reiffenstuel n. 2. Magnif. P. Schmier p. 3. de Delict. c. 2. n. 36. Vel, ut aij ex mente S. August. de Bon. conjug. c. 4. loquuntur, est violatio fidei, & thori conjugalis.

63. Hinc duplex est ejus malitia: una Luxuria; quia est concubitus viri cum foemina extra conjugium: altera Injustitia; quia est violatio juris, quod conjuges ad se invicem habent, ut obligare se invicem possint ad non dividendam carnem suam cum alio. S. Thom. 2. 2. q. 154. art. 8. Azor p. 3. l. 3. c. 7. pr. Pith. bic n. 1. Schambogen. 2. Iisung Theol. pract. tr. 4. D. 1. n. 58.

64. Neque malitia hæc purgatur, vel tollitur per consensum alterius conjugis, eo, quod hic consentiat in adulterium conjugis adulteri; quia adhuc injuria infertur DEO authori naturæ, qui indissolubili vinculo utrumque conjugem adstrinxit sibi invicem: quamvis tali casu conjux consentiens in adulterium alterius non possit auctorē, vel querelam instituere super injuria à conjugi sibi illata; quia scienti, & consentienti non sit injuria, neque dolus. Reg. 27. in 6. Hinc Innocentius

XI. inter alias merito vertuit hanc propositionem: Copula cum conjugata, consenteante marito, non est Adulterium, adeoque sufficit in Confessione dicere, se esse fornicatum.

Quaritur 2. quotuples sit Adulterium? 3. Adulterium dividiri potest in Simplex, sive Unilaterale & in Duplex, seu Bilaterale. Simplex est, quod vel à marito alieno cum soluta, vel ab uxore aliena cum soluto committitur. Duplex, seu Duplicatum dicitur, quod à marito alieno cum uxore aliena perpetratur. Azor p. 3. l. 3. c. 7. not. 2. König bic n. 4. Reiffenstuel ibid. n. 3. & 4. Magnif. P. Schmier p. 3. de Delict. c. 2. n. 41. Istud priore gravius est; quia per illud adulterio non tantum lœdit fidem propriæ uxori debitam, sed etiam jus alterius mariti, & frequenter librorum ejus, si ex tali adulterio filius nascatur, quem deinde veri Liberi, tanquam putativum fratrem, pro coherede habere, & pater alimentare debet. Engl. bic n. 3.

Utrumque tamen est verum, & proprium Adulterium, ut pater ex can. ille 14. §. cum ergo, & can. seq. caus. 32. q. 5. can. fin. caus. cit. q. 6. c. transmissa 4. de eo, qui cognovit &c. Ratio est, quia utroque modo violatur fides conjugalis. Neque refert, quod Jure civili carnalis coniunctio viri conjugati cum soluta Adulterium esse non censeatur, & adulterii pœnis non puniatur; nam hoc Jure in Adulterio tantum consideratur feminis confusio, & ab hoc proveniens incertitudo prolis, quam conjugatio

atio conjugati cum soluta non inducit. Contra Jure Canonico consideratur violatio fidei conjugalis, atqui eadem castimonia debetur a viro, quæ ab uxore, & uterque conjux ad fidem mutuò promissam æqualiter obligatur. can. nemo 4. princ. caus. 32. q. 4. Clar. §. Adulterum n. 2. Gonzal. in c. 3. b. tit. n. 5. Zœf. ff. ad Leg. Jul. de Adult. n. 2. Valens. hic. §. 1. n. 1. Engl. n. 2. Pithing n. 2. ubi tamen in fin. König n. 6. Reiffenstuel n. 18. Wielstner n. 37. Magnif. P. Schmier p. 3. de Delict. c. 2. n. 43.

67 Quæritur 3. an Adulterium committatur cum uxore alterius putativa, vel Sponfa? 4. Ad 1. re ipsa, & Theologice loquendo concubitum cum uxore putativa alterius adulterium non esse, cum nullum inter hujusmodi conjuges putatios intercedat vinculum, quod adulterio violatur: de rigore tamen Legum pro tali habetur, prout patet ex l. si uxor 13. §. plaz. n. ff. ad Leg. Jul. de Adult. ubi Ulpianus, Plane inquit, *five iusta uxor fuit, five injuria, accusationem (adulterii ab ea commissi) instituere vir poterit; nam & Sextus Cecilius ait: Hec Lex ad omnia Matrimonia pertinet.* Ex quo textu Abb. in c. plerumque de Donat. int. vir. & uxor. arguit, mulierem, pro conjugata habitam, si dormierit cum alio viro, amittere Dotem in poenam delicti sui, licet alias probaretur nullitas Matrimonii. Consentit Gloss. in c. plerumque cit. V. repeteret: ubi citat alios textus, & ponit hanc Regulam: quod crimina secundum intentionem judicentur.

68 Ad 2. certum est Adulterium committi per violationem Sponfa alterius de presenti; quia nuptias non concubitus, sed consentius facit. Idem non pauci volunt committi, quando violatur alterius Sponfa de futuro, ob duplum textum. I. l. si uxor 13. §. Divi 3. ff. ad Leg. Jul. de Adult. ubi adulterii crimen etiam in Sponfa vindicandum assertur. 2. can. omne 10. §. item caus. 27. q. 2. ibi, *Qui Sponfa alterius in agro opprimit, morie moriatur; quia uxorem alterius violavit.* Verum ego ad hoc dubium jam dixi Libr. 4. Tit. 1. n. 88. violationem Sponfa alterius de futuro adjunctum quidem sibi habere peccatum Injuriæ, non tamen esse propriè adulterium, ex Rationibus allatis. Neque obstant, textus allati in contrarium, ad 1. ibi non deciditur, quod corruptio Sponfa alienæ sit adulterium, sed tantum deciditur, quod similem mereatur poenam, cum similem innocentia Sponfa injuriam inferat. Ad 2. ibi sermo est de despontata per verba de præsentis, ut patet ex can. quis 11. & can. seq. q. cit. & notant. Zœf. hic n. 2. Pithing ibid. n. 3. fin.

69 Quæritur 4. quorū modis agi ex adulterio possit? 4. potest agi vel civiliter, & P. Schmalzgrueber L. V. T. l.

vel criminaliter. Quando civiliter agitur, duplex Adulterii poena est. Prima Divortium, seu separatio quoad thorum, & cohabitationem, ad quam agere conjux innocens potest, c. tue s. de Procurat. c. ex litteris 5. de Divort. & Novell. 117. c. 8. imò si Adulterium notorium sit, ab Adultero conjux innocens divertere probabilitas propria authoritate potest, ut colligitur ex c. significati 4. fin. de Divort. & dictum est Libr. 4. Tit. 19. n. 110. ad quem Titulum plura videri posunt, quæ alij sub Rubrica præsenti disputant. Altera poena est amissio Dotis, & Donationis propter nuptias; nam hæc conjugi innocentia restitui debet cum omnibus, qua nocenti attulit c. plerumque 4. de Donat. int. vir. & uxor. l. ex consensu 8. §. hæc nisi 4. & §. seq. C. de Repud. Novell. 11. c. 8. §. 2. & dictum est Libr. 4. cit. Tit. 20. n. 111. & seqq. ubi plura de amissione Dotis, & Donationis propter nuptias ob Adulterium.

Præterea civilis obligatio etiam in 70 foro conscientiæ incumbit adultero, si ex assertione adulteræ, aliisque sufficientibus argumentis sibi persuadeat, vel persuadere debeat, prolem ex se genitam esse, ut restitutionem faciat marito adulteræ, qui patrem se credens, proli adulterinæ alimenta, vel dotem dedit: item Liberis legitimis adulteræ, qui propter successionem Spurij læsi sunt; quia adulter vera causa hujus læsionis est, conf. sicut quilibet aliis, qui alterum contra Justitiam læsit in bonis, ad restitutionem meritò obligatur. Sed & ipsa mater adultera, tanquam simultanea causa dictæ læsionis, tenetur vel problem adulterinam manifestare marito, aut alijs Liberis, vel aliam compensationem ijsdem facere de bonis proprijs: de quo plura infra Tit. 38.

Criminalis poena alia est Jure Ecclesiastico, alia Jure Civili prodita. Jure Ecclesiastico aliter puniuntur Adulteri Laici, aliter Clerici. Laicis olim infligebatur poena Excommunicationis c. intellectimus 6. b. tit. & famina adulteræ, si mariti eas nolent recipere, ad agendam poenitentiam in Monasterium perpetuò detrudabantur c. gaudemus 19. de convers. conjugat. Hodie tamen Adulterorum Laicorum punitio passim relinquitur Curia Sæculari, ut notat P. Wielstner hic n. 41. Circa Clericos hoc Jure tria sunt constituta, 1. si adulterium in Judicio confessus, vel convictus de eo est Clericus, deponi ab Oficio, & Beneficio, atque insuper in Monasterium ad agendum toto vitæ tempore poenitentiam detрудi debet can. quis Clericus 10. & can. seq. dis. 81. cui tamen destructioni, cum hodie exoleverit, suffici potest poena carceris, vel alia similis, & ali-

Li 2 quan-

quando etiam pecunaria. 2. si suspectus, vel dissimilatus de crimen isto, nondum autem convictus sit, eidem indicenda est Purgatio Canonica, in qua si defecerit, ab Officio est suspendendus c. significasti s. fin. b. tit. Farin. prax. crim. q. 141. n. 33. Vallens. bic. §. 1. n. 5. Honor. n. 17. Pirhing. n. 20. Schambog. n. 10. Wiestner n. 41. Reiffenstuel n. 14. 3. Eundem cum uxore, matre, filia, aut sorore in adulterio, vel stupro deprehensum, in continentem percutiens Excommunicationem Canonis non incurrit c. si vero 3. de Sent. Excomm. quia talis percutio, licet peccaminosa sit, justi tamen doloris vehementia impellente potius, quam suadente Diabolo facta praesumitur. Navar. Man. c. 27. n. 84. Covar. p. 2. de Sponsal. c. 7. §. 7. n. 12. Barbos. in c. si vero cit n. 6. Wiestner n. 41. cit.

72. *gare Imperiali in Adulteros* olim quidem per Legem Julianam statuta duntaxat fuit poena deportationis, vel exilio l. quis s. ff. de questione. postea tamen in eodem poenam gladij sanxit Constantinus Imp. l. quamvis 30. C. ad Leg. Jul. de Adult. fecutus in hoc Legem Divinam Veteris Testamento per quam pena Adulterii fuit mors. Levit. 20. v. 10. Deut. 22. v. 22. & Dan. 13. v. 41. & quidem lapidatio, ut constat ex Joan. 8. v. 5. Quam gladij poenam deinde Justinianus Imp. in feminis adulteris propter sextis fragilitatem mitigavit, ut circa illas cessante, poena mortis, verberatae in Monasterium detrudantur, easque marito intra biennium recipere liceat, biennio vero transacto, si maritus non recepit, toto vita tempore in Monasterio ad agendum poenitentiam manere debeant, prout habetur Autb. sed hodie C. ad Leg. cit. Atque ad has Leges sece remississe videtur Carolus V. in Conf. crim. art. 120. dum ibi statuit, ut Adulteri secundum Antecessorum suorum edicta, & Leges Imperiales puniantur. Stryck. Uf. Mod. Pandect. ad Leg. Jul. de adult. §. 2. fin.

73. Hodiernis moribus poena capitalis etiam pro dupliciti adulterio in plerisque Provinciis ab usu recessit, & loco eius subrogata est relegatio, sive exilium, statio ante fortes Ecclesiae cum accensa face tribus diebus Dominicis, aut alia poena arbitria, etiam pecunaria. Clar. §. adulterium n. 8. fin. Menoch. de arbitr. cas. 419. n. 62. 85 seqq. Farin. prax. crim. q. 141. n. 74. Harppr. in §. item Lex Julia 4. n. 78. Inf. de Publ. Judic. Vallens. bic §. 1. n. 2. Engl. n. 6. v. verum, Pirhing n. 18. Wiestn. n. 42. Hinc varia est poena haec pro varietate Provinciarum, Stryck. §. 2. cit. Jure nostro Bavarico Adulteri, si personae vulgares sint, & Adulterium simplex duntaxat, per mensum incarcerantur in pane, & aqua, vel alio aequivalente levi vietu, & insuper,

si pinguior fortunae sint, 100. Libris, h. c. 113. fl. 26. Et si tenuior, dimidia parte plectuntur, applicanda pijs causis, & manifestatori. Qui vero solvendo non erit, finito carcere, per dies tres Dominicos continuos cum candela (non tamen dentatis brachiis, & sine virgis) ante templi fortes illi standum erit. Si vero adulterium duplex sit, inter easdem viliores personas commissum, nulla poena pecunaria recipienda erit, sed prima vice deprehensi, post duram incarcerationem, tribus diebus Dominicis continuis ante templi fortes cum candela ardente, & dentatis brachiis, cum virga in manibus ferro inclusis collocandi sunt. Si secunda vice deprehendantur, relegantur extra Bavariam in perpetuum. Si vero tercia, Judicii in criminalibus traduntur, pro diversitate circumstantiarum puniendi, ut videre est Landt- und Polizey-Ordnung Libr. 5. Tit. 9. art. 1. & seqq. ubi etiam, quomodo Poena adulterij secundum diversitatem conditions, & statutis delinquentium mutandae sint. In ceteris Provinciis peculiaria locorum Statuta, & consuetudines observandas sunt. Si arbitria sit alicubi hujus delicti poena, curandum Judicibus, ne in puniendis adulterii nimis remissi sint; alias, ut monent DD. gravis peccati se reos facient, cum multoties ex tali facilitate maxima scandala, imo & cades proveniant. Clar. §. adulterium n. 7. Farin. q. 141. n. 66. Engl. n. 6. verum, Reiffenstuel n. 17.

Gravius vero puniendum est illud adulterium, quod sub specie Matrimonii committitur, & Polygama dicitur, quando scilicet adhuc priore Matrimonio stante, & vivente conjugi, scienter simul, & voluntarie cum alia persona nuptia contrahuntur; cui sceleri, quia gravissimam Sacramento Matrimonii infert irreverentiam, poenam capitalem videtur statuisse Carolus V. in Conf. crim. art. 121. Sed haec Constitutio ita interpretanda est, ut ad penam capitalem non sufficiat solummodo secundum Matrimonium contractum esse, sed requiritur, ut accesserit carnalis copula; habet enim ibidem Imperator tales Polygamos pro adulteris. Adulterium autem sine copula non committitur. Item quia Imperator tantum statuit poenam viro, vel feminae jam alio Matrimonio ligatis, ideo haec poena non erit extendenda ad personam solitam, licet cum Polygamo Matrimonium ineat scienter, maximè si fuerit femina, in qua nec poena ordinaria adulteri de Jure Civili locum habet, utpote quod eo Jure non in solitam, sed conjugatam tantum committitur, ut dictum est n. 66. Engl. bic n. 7.

Quaritur s. quoniam sint causa ex 75 culantes a poenis adulteri? plures sunt

sunt causæ, ob quas cessant poenæ adulterii privatæ, sive Civiles, vel etiam publi-
cæ, & criminales, ut videre est apud Gloss.
c. 6. V. mutua compensatione b. tit. Hoff.
ibid. Farin. prax. crim. q. 141. n. 95. &
segg. Haun. tom. 1. de J. & J. tr. 2. à n. 708.
Zöel. bic à n. 9. Pirhing n. 34. König n. 10.
Reiffenstuel n. 23. & alios passim.
Et i., quidem poena adulterii Civilis cessat,
si etiam alter conjux commiserit adulte-
rium; nam tunc neuter conjux agere ad
Divortium, & Dotis, vel Donationis
propter nuptias restitutionem potest, quod
eo casu compensetur crimen pro criminis
prout patet ex c. intelleximus 6. & c. fin. b.
tit. l. viro 36. junct. Gloss. ff. solut. Matr.
& dictum est Libr. 4. Tit. 19. n. 107. & Tit.
20. n. 115. Aliter se res habet quoad
penas criminales; nam his adhuc locus eit,
etiamsi uterque conjux adulterii reus sit.
Abb. in c. 6. cit. n. 5. Covar. p. 2. de Spon-
sal. c. 3. §. 6. n. 5. Sanch. l. 10. de Matr.
D. 8. n. 36. Vivian. in c. 6. cit. circ. med.
Barbos. ibid. n. 5. Wagnereck not. 2.
Gonzal. in c. fin. n. 1. Haun. tom. 1. de J.
& J. tr. 2. n. 707. Ratio est, quia
poenæ criminales spectant satisfactionem
Reip. quæ per secundum adulterium gra-
vius läditur, ut adeò neutrum manere im-
punitum debeat. Quare, non obstante
exceptione similis adulterii à viro commissi
per uxorem opposita, poterit adhuc vir
accusare uxorem adulteram Proceditque
hoc etiam in foro conscientia; quia idem
servandum est in utroque foro, quando fo-
rum externum non nititur falsa præsumptio-
ne. Sanch. l. cit. n. 48. Pirhing bic n.
33. fin.

2. Si uxor violenter sit oppressa l. 18
76 uxor 13. §. squis plane 7. & vim passam 39.
pr. ff. ad Leg. Jul. de Adult. quia tunc cessat
culpa, igitur etiam poena cessare debet.
Aliud eit, si uxor non per vim absolu-
tam, quæ omne voluntarium tollit, sed per
gravem metum sit carnaliter cognita; nam
tunc, quia coacta voluntas non excusat in
maleficiis, hujusmodi metum passa uxor
poenam meretur, sed mitiorem, non verò
ordinariam sed civilem, vel criminalem: &
hinc nec dote, nec conforio mariti privari
potest; quia metus excusat à dolo. adul-
terium autem (in ordine ad poenam ordi-
nariam) sine dolo malo non committitur,
prout dicitur l. si ex lege 43. ff. ad Leg. Jul.
de Adult. Sylv. V. Adulterium n. 10. Minus
excusat à poena adulterii conjux, quæ
adulterium commisit propter necessitatem
extremam famis, vel paupertatem; nam
adhuc punienda est tanquam adultera, tam
civiliter, quæm criminaliter quamvis for-
tasse hoc secundo modo aliquantum mitius.
Farin. q. 142. n. 15. Zöel. bic n. 13. Pir-
hing n. 35. Ratio est, quia Adulterium

intrinsecè, & ita malum est, ut nulla vo-
luntate, vel consensu humano, nec aliâ cir-
cumstantiâ, extrinsecus accedente, purgari,
vel tolli possit; debet enim quis potius
omnia mala pati, & mori, quam in adulte-
rium, vel fornicationem consentire.

3. Excusat à poena adulterii igno-
rantia saltem inculpabilis, qualem habet mu-
lier, quæ ab alieno viro decepta, putans
hunc esse suum maritum, ab eo carnaliter
cognoscitur; item credens maritum suum
esse mortuum, cum alio nuptias contra-
hit: quod etiam dicendum de Virgine,
quæ nubit alieno viro, nesciens hunc esse
jam uxoratum; neque enim in his casibus
adulteria dici poterunt, quamdiu inculpabi-
liter laborant hujusmodi ignorantia: illâ ta-
men sublatâ adulteræ esse incipient, si hu-
jusmodi perrexerint adhærere, & conti-
nuare flagitium can. si virgo 5. cauf. 34. q. 1.
Wesenbec. ff. b. tit. n. 14. Gonzal. in c. 3. b.
tit. n. 9. Zöel. bic n. 9. Pirhing n. 9. König
n. 10. Reiffenstuel n. 23. Quin ab adul-
terii poenis Azor p. 3. l. 3. c. 8. not. 8. Farin.
q. 141. n. 97. Pirhing, König l. cit. excu-
fatum volunt etiam illum, qui ignorat mu-
lierem, quam cognoscit, esse nunquam viro;
quia, ut ex l. si ex lege 43. ff. b. tit. dictum
est n. præc. Adulterium sine dolo malo
non committitur. Ignorantia autem excusat
à dolo. Alii tamen cum Diaz, Decia-
no, & aliis hoc casu exceptionem nullam
agnoscunt; quod talis à principio dederit
operam rei illicitæ.

4. Accusari Adulterii nequit in fo-
ro externo, nec pro adultero haberí, qui
adulterium animo meditatus, solutam pol-
luit, quam conjugatam; putavit uter enim
cogitatione ita adulterium committatur,
revera tamen non committitur, quod in dé-
lictis forum externum veritatem, non ve-
rò opinionem spectet: nec quis propter
opinionem, vel cogitationem, sed propter
factum, & delictum ipsum punitur. König
bic n. 11. Reiffenst. ibid. n. 24. Contra-
rium tamen cum Diaz præc. crim. can. c.
85. V. Adulteri n. 5. q. quando autem Clericus,
defendit Farin. q. 141. n. 102. ubi putat
hoc casu intrare poenam adulterii, ex ra-
tione ad finem n. præc. datâ.

5. A poena ordinaria Adulterii exi-
mitur ille, qui ex parte sua conatus est tho-
rum alienum confuscare, atque ad actum
propinquum defacto pervenit, si re ipsa
commixtio secuta non fuit, ob duplicitem
rationem, unam generalem; quia consue-
tudine, per totum Mundum approbata,
teste Clar. §. fin. q. 92. n. 1. conatus, quam-
vis actu proximus, regulariter non pu-
nitur: alteram speciem; quia hoc casu
cessat confusio sanguinis, & incertitudo
prolis, quæ causæ poenæ ordinariæ statuer-
dæ locum dedisse videntur. Quare hu-
i 3 jusno-

jusmodi conatus compesci fustigatione, carcere, vel aliâ poenâ arbitriâ poterit. Farin. q. cit. n. 103. Carpzov. prax. crim. p. 2. q. 16. n. 2. König hic n. 11. fin. Reiffenst. n. 24.

6. Cessat accusatio adulterii, si tempus ipsi praefixum sit elapsum. Zœf. hic n. 9. Pirhing n. 34. Haun. l. cit. n. 710. Porro Maritus jure speciali mariti accusare potest uxorem adulterii intra 60. dies utiles, computandos à tempore soluti Matrimonii per divortium l. non solum 3. & ibi Gloss. V. ex dissolutione, & l. Jure 6. c. ad Leg. Jul. de Adult. Gonzal. in c. 4. b. tit. n. 3. Zœf. hic n. 3. Pirhing ibid. n. 8. Idem tempus 60. dierum concessum est Patri adulteræ, quod tamen ipsi non currit, dum maritus accusat: si vero uterque tam maritus, quam pater differat acculare, utrique hoc tempus currit l. si maritus 4. pr. ff. ad Leg. Jul. de Adult. Gonzal. Zœf. Pirb. l. cit. Post dies 60. elapsos admittuntur ad accusandum etiam extranei (& inter hos quoque maritus, & pater, si privilegium 60. dierum neglexerint, sed jure extranei) intra quatuor menses utiles l. si maritus cit. §. extraneis 1. & l. miles 11. §. Sexaginta 6. ff. eod. Porro accusatio hujus criminis, uti & reliquorum Legis Juliaz, puta stupri, lenocinii &c. illud speciale habet, quod quantumvis reliqua crimina regulariter tantum spatio 20. annorum extinguantur l. querela 12. C. ad Leg. Corn. de fals. Adulterium tamen, & similia praescribantur quinquennio, ita, ut eo laplo, nullum amplius accusandi jus sit: numeraturque quinquennium istud à tempore commissi criminis, & est continuum l. adulteri s. C. ad Leg. Jul. de Adult.

Porro quibus alijs modis præter mutuum compensationem cesset poena Civilis Divortii, & amittenda Dotis, vel Donationis, propter nuptias, dictum est Libr. 4. Tit. 19 a n. 103. & Tit. 20. n. 114. cum duob. seqq.

8. Quæritur 6. an conjux innocens adulterium conjugis accusare, aut agere ex causa adulterii adversus eundem possit? Certum est 1. utrumque conjugem adversus nocentem posse civiliter ad Divortium, & lucrum Dotis, vel propter nuptias Donationis. Ita omnes. Neque hic distinguendum est, an maritus accesserit ad solutam, vel aliam conjugatam. Farin. prax. crim. q. 141. n. 104. Certum est 2. actionem injuriarum ex adulterio non solum marito innocentis contra uxorem adulteram, sed etiam uxori innocentis contra maritum nocentem competere; quia ex vi adulterio injuriam & ipsa patitur. Bald. in l. 1. C. ad Leg. Jul. de Adult. n. 3. Brunnem. ibid. n. 2. Farin. l. cit. n. 106. Pirhing hic n. 6. y. ex quo infertur, Wiestner. ibid. n. 48.

Certum est 3. à marito innocentem ad poenam adulterij Legalem accusari uxorem posse l. ex lege 2. ff. ad Leg. Jul. de Adult. Imò huic ante omnes alios, ipsum etiam Patrem, & cognatos uxoris adulteræ accusatio competit l. cit. §. si simul 8, quod justus dolor eum præ alius impellat.

An verò etiam uxor ad poenam Legalem de adulterio accusare Maritum possit, dubium moveri potest: quod tamen distinctione dissolvitur inter Jus Civile, & Canonicum. Nam Jure Civili uxor accusare maritum suum adulterum non permittatur l. publico 1. C. ad Leg. jul. de Adult. & ibi Gloss. V. violato, Holt. Summ. hic n. 1. Covar. p. 2. de Sponsal. c. 7. §. 6. n. 5. Sanch. l. 10. de Matr. D. 8. n. 33. Farin. q. 141. cit. n. 104. Haun. tom. 6. de J. & f. tr. 2. n. 106. Pirhing hic n. 6. Wiestner n. 49. Reiffenstuel n. 28. tum quod marito, tanquam capitio suo, majorem reverentiam debeat uxor; tum vero, quod adulterium in uxore ob sobolis incertitudinem, quam inducit, & falsi partis suppressionem multò gravius jure reputetur, quam in marito. Tiraquell. commub. l. 1. Gloss. l. p. 1. n. 44. Imò si uxorem maritus criminaliter accuset de Adulterio, ipsa eidem similis criminis exceptionem nequit opponere, quod adulterium ipsius adulterio mariti par esse non videatur, ob rationes allatas, quibus accedit, quod injuria, quam ipsa adulterando infect marito suo, sit longe gravior, quam ea, quam ipsi infect maritus; ipsa enim adulterando inquinat thorum mariti sui, iste autem, sive accedit, ad solutam, sive ad conjugatam aliam, non inquinat suum ipsius thorum, adeoque nec uxorius sua, sed thorum viri illius, cum cuius uxore rem habet. Sot. in 4. diff. 37. q. un. art. 3. Covar. n. 5. cit. Sanch. n. 34. Pirhing n. 6. y. ex quo infertur.

At Jure Canonum ad mariti adulteri accusationem etiam uxor admittitur can. fin. cauf. 32. q. 5. Durand. Specul. de Adult. n. 5. Farin. q. 141. n. 105. Pirhing hic n. 7. Reiffenstuel ibid. n. 29. quia hoc Jure adulterium æquè in utroque conjugi damnatum est can. fin. cit. & can. si quis uxorem 4. cauf. cit. q. 1. ubi Gloss. V. ad imparia ait, eos in adulterio reprehensos ad imparia non judicari quoad debitum reddendum, quoad divortium, quoad accusationem. Quam SS. Canonum constitutionem imitatus est Carolus V. Conf. crim. art. 120. ubi uxori accusationem mariti adulteri disertè permittit. Wiesebec. ff. ad Leg. Jul. de Adult. n. 12. Brunnem. in l. 1. cit. n. 4. Pirhing n. 7. cit. fin. Wiestner n. 51. Reiffenstuel n. 29.

Quæritur 7. quis ordo observandus inter eos, qui Adulterium accusare possunt, & volunt? Ante omnes alios, etiam patrem adulteræ, ut n. 82. dictum est, admitti-

mittitur ad accusandum adulterium uxoris sue maritus : idque procedit , etiam si pater prævenerit in accusando adulteram , modo maritus non fuerit negligens in accusatione instituenda , ut l. ex lege 2. §. si simul 8. ff. ad Leg. Jul. de Adult. additur ; vel nisi pater maritum infamem arguat , aut doceat colludere magis cum uxore , quam ex animo accusare ; tunc enim p. ter præferetur marito ; alias postponetur , ut habet textus l. n. 3. & nota ibidem Gloss. V. infamem , Vivian. in c. 4. v. §. in accusando b. tit. Barbo. ibid. n. 1. Gonzal. n. 3. Haun. tom. 6. de J. §. f. tr. 2. n. 105. Zes. hic n. 3. Pirhing n. 4. Reiffenstuel n. 25.

83 Post maritum cessantem , aut non lentem agere admittitur ad accusandum adulterium Pater mulieris l. ex lege cit. §. si simul 8. & l. seq. ff. eod. Post patrem vero reliqui cognati , scilicet frater , pater , avunculus adulteræ , & alii , quos verus dolor ad accusandum impellit l. quavis 30. c. eod. Cessantibus propinquis admittuntur denique extranei l. si maritus 4. §. extraneis 1. ff. eod. quia adulterium inter Delicta publica connumeratur l. non omnia 1. ff. de Publ. Judic. & §. item Lex Julia 4. 1. seq. eod. de delicto autem publico quilibet de populo ad accusandum admittitur , modò mas sit , & major 25. annis l. palam 43. §. senatus 10. ff. de rit. nupt. We-senbec. ff. ad Leg. Jul. de Adult. n. 10. Harppr. §. item Lex Julia cit. n. 38. Gonzal. in c. 4. b. tit. n. 3. §. 4. Zes. hic n. 3. Pirhing n. 5. Reiffenstuel n. 26. §. 27.

86 Minor 25. annis adulterii accusare non potest ; quia non videatur idoneus accusator , qui nondum est robustæ etatis : sum tamén Matrimonium si velit vindicare , admitti debet l. si maritus 15. §. lex Julia 6. ff. ad Leg. Jul. de Adult. cum autho-ritate tamen Curatoris l. claram 4. C. de au-thor. prestand. Gloss. in l. §. cit. V. audie-tur. Gonzal. l. cit. n. 4. Pirhing n. 5. prop. fin. Non obstat autem volenti vindicare proprium Matrimonium , quòd sit ad-huc filius famam , nam etiam iste accusare uxori rem potest de adulterio , perinde acsi sui juris esset , etiam invito patre l. inter 6. §. filiusfamilias 2. ff. ad Leg. de Adult. Pirhing n. 5. fin.

87 Quæritur 8. quinam adulterii accusari possint ? R. accusari possunt tam adulter , quam adultera , modò per do-lum adulterium sit commissum , i.e. modò sciverit eam , cum qua scortatus est , adulterius uxorem esse ; nam , ut ex l. ex lege 43. ff. ad Leg. Jul. de Adult. dictum est n. 77. adulterium sine dolo malo non com-mittitur. Host. Summ. hic n. 4. Pirhing n. 9. König n. 10.

Proceditque hoc 1. etiam si talis mulier sit publica meretrix ; nam si conjugata sit , acculari , & puniri potest , tanquam rea adulterij l. si uxor 13. §. sed §. in ea 2. ff. ad Leg. Jul. de Adult. ubi ad littoram dicitur . sed §. in ea uxore potest maritus adulterium vindicare , quæ vulgaris fuerit. Gloss. ibid. V. vulgaris. Azor p. 3. l. 3. c. 8. not. 8. Farin. q. 141. n. 84. Pirhing n. 9. cit. Extens. 1. ne , quæ publica adultera est , minùs puniatur , quam mulier , quæ occultè solum adulteratur. Neque obstat , quòd l. si ea 22. C. b. tit. dicatur , cum meretrice adultera crimen cessare ; nam ibi adulterium accipitur pro Stupro , juxta Gloss. ibid. V. adulterij. Conjugatus tamen , accedens ad talen adulteriam conjugatam , non potest accu-fari , ac puniri , tanquam reus adulterij ; quia non videtur violâsse thorum alienum , ubi nullus est thori pudor , & respectus , sed promiscua , & vulgaris , marito conni-vente , turpitudo. Farin. l. cit. n. 25. ubi ait , hodie ita servari in praxi. Quamvis Clar. §. adulterium n. 3. dicat , quòd etiam quoad mulierem meretricem cessa-pena , adeoque etiam accusatio criminalis adulterij.

Procedit 2. ut accusari possit non tan-tum , qui mœchantur , sed etiam qui qua-vis ratione quæstum ex adulterio faciunt : quales sunt , quilenocinium exercent , five prostituti uxores suas l. mariti 29. §. qui quæstum 3. ff. ad Leg. Jul. de Adult. qui domum scientes præbent , ut adulterium in ea fiat l. qui domum 8. ff. eod. item qui prohibitas , & illicitas nuptias contrahunt , ut qui pupillam suam uxorem duxit l. qui pupillam 7. ff. eod. Host. Summ. hic n. 4. Pirhing l. cit. extens. 2.

Est Lenocinium delictum publicum , & committitur prostituendo virgines , uxores , liberos , vel alias feminas , aut earum prostitutionem permittendo. Poena ejus , si liberi à parentibus , aut uxores à maritis prostituuntur , probabiliter est poena gladii arg. l. ex lege 2. §. lenocij 2. ff. ad Leg. Jul. cit. Si personæ aliae , est arbitraria pro qualitate , & circumstantiis delicti modo major , modò minor , veluti præcilio auri-um , fustigatio , poena exili &c. Confit. crim. carol. V. art. 123. Haun. tom. 6. tr. 2. n. 369. §. seqq. ubi plura de Lenocinio vide-ri possunt.

Quæritur 9. quanam probatio re quiratur & sufficiat , ut quis condemnari , tanquam reus adulterij , possit ? Ratio dubitandi est , quia ut criminaliter condemnari aliquis possit , aliæ requiruntur , ut is crimen in Judicio confessus , vel de eo per probationes legitimas , & luce meridiana clariores convictus sit. Atqui de adulterio , cum plerumque in locis secre-

tis,

tis, & arbitris, qui de eo testificari possent, remotis, perpetretur, talis probatio haberi non potest, nisi casu, quo constat maritum ultra annum fuisse absensem, vel impotentem ad coitum. ergo his duobus casibus demptis, nulla videtur esse probatio sufficiens.

92 Sed dicendum, ad probationem adulterij sufficere, si in ejus probationem afferantur violentæ, & vehementissimè urgentes præsumptiones, seu tales, quæ ex indicijs, five actibus, & circumstantiis delicto proximis, & cum eo ordinariè conjunctis sunt ortæ. Sumitur ex c. maritis 4. b. tit. ibi, Maritis etiam ex suspitione uxores accusare permisum est, intellige, non qualicunque, sed haec tenus descripta. Ratio est, quia habita tali præsumptione, jam habetur certitudo moralis perpetrati criminis, & qualis, spectata ejus qualitate, moraliter haberi potest; consl. nullum morale periculum est, ne innocens condemnetur: quod tamen foret, si præsumptio minor sufficeret. Sylv. V. Adulterium n. 9. Borojus in Rubr. de Judic. n. 20. fin. Menoch. l. de præsumpt. q. 58. n. 3. Mafcard. de Probat. concl. 57. n. 6. Sanch. l. 10. de Matr. D. 12. n. 48. § 41. Haun. tom. 6. de J. § 7. tr. 2. n. 117. Pirhing hic n. 13. Wieltnar n. 52. Reiffenstuel n. 30.

93 In specie præsumptiones hujusmodi sunt. 1. si solus cum sola, nudus cum nudæ, in eodem letto jacere virus sit, multis locis secretis, & latebris ad hoc commodis, & boris electis, ut habetur c. litteris 12. de Præsumpt. Abb. ibid. n. 3. Navar. ad Rubr. de Judic. n. 10. Menoch. l. 5. præsumpt. 41. n. 11. § seqq. Sanch. D. 12. cit. n. 45. Pirhing n. 13. Wieltnar n. 53. Reiffenstuel n. 32. 2. si accusati de adulterio, ut criminis derrogarent fidem, obtenderunt consanguinitatem, & nihilominus, conjugé mortuo, inierunt inter se Matrimonium l. sicut 34. C. ad Leg. Jul. de Adult. Durand. Specul. tit. de Præsumpt. §. 2. n. 4. Menoch. l. cit. n. 7. Pirhing n. 13. Wieltnar n. 53. Reiffenstuel n. 33. 3. si is, qui de crimen adulterii suspectus est, propterea à marito in scriptis, & testibus præsentibus monitus est, ut à colloquio, & conversatione cum uxore sua ablineat, & nihilominus, hac denuntiatione insuper habita, in loco suspecto, & ad adulterium idoneo cum ea conversari non desinit Autb. sicut ei C. ad Leg. Jul. cit. Durand. n. 4. Menoch. n. 9. cum reliquis supra. Operanturque præsumptiones istæ non tantum, ut ijs habitis, & legitimè probatis, procedi possit ad Divortium, & amissionem Dotis, sed etiam ut infligi possit poena criminalis adulterii, ordinaria quidem in duobus posterioribus casibus, extraordinaria saltē

in primo, ut bene advertit Menoch. l. cit. n. 8. 10. & 15.

Præter has præsumptiones afferuntur adhuc aliæ quædam. 1. si mulier ^{ad} marito proprio discedit, & viro de incontinentia suspecta, aut dissimato adherat, eique cohabitet. Barbos. in c. 6. b. tit. n. 6. 2. si ea, invito, aut inciso marito, clamaccedit, & pernoctet in domo viri suspecti. Menoch. l. cit. n. 23. Pirh. n. 14. Reiffenstuel n. 36. 3. si absente, aut ignorante marito, ab ejusmodi viris, aut juvenibus claram, & noctu frequenter. Barbos. Pirh. Reiffenst. l. cit. cum Menoch. l. cit. n. 21. 4. si in honestam cum alio consuetudinem jactet, aut litteræ amatriz, ejusmodi consuetudinem confitentes, fuerint repertæ. Menoch. n. 29. cum cit. 5. si vir, & mulier inventiantur soli in loco abdito se mutuò osculantæ, & amplexantes. Abb. in c. præterea 27. n. 2. de Testib. Sanch. l. 10. de Matr. D. 12. n. 46. § 47. Pirhing n. 13. 6. si xenia, & munera sibi invicem miserint. Sanch. n. 48. Pirh. n. 13. cit. fin. Sed licet ex his, & similibus actibus magna adulterii fiat præsumptio, nisi tamen alia concurrant adminicula, crimen hoc ad poenam ordinariam infligendam non satis probant. Unde relinquendum erit prudentis Judicis arbitrio examinare, quam vim probandi in casibus particularibus quævis ex dictis præsumptionibus habeat. Welenbec. ad ff. ad Leg. Jul. cit. n. 17. Brunnem. ad Autb. cit. n. 3. & alii ab his relati putant, consultò ferè facturum Judicem, si reo, crimen in Judicio non confessò Ordinariam poenam non irroget.

Quæritur 10. quis sit Judex compensis respectu criminis Adulterij? R. hic videndum, an de eo criminis agatur criminaliter, an civiliter tantum. Si primum, distinguendum est inter poenam Legalem, seu Capitalem, quæ per l. quamvis 30. ff. ad Leg. Jul. de Adult. constituta est, & inter alias, quæ iisdem infligi possunt, & solent. Poenam capitalem Adulteris infligendam solus Judex Sæcularis potest decernere; quia Ecclesiasticus causas sanguinis tractare non potest. Vall. hic §. 1. n. 5. fin. Schambog. n. 3. Reiffenstuel n. 41. Cæteras infligere potest etiam Judex Ecclesiasticus prout liquet ex c. perniciosa 1. de Offic. Ordin. cum enim adulterium injuriam inferat Sacramento, Sacrilegium quoddam est, & nominatur l. quamvis cit. ac proinde erit crimen mixti fori, & inter Judicem Ecclesiasticum, ac Sæcularem locus præventioni dabatur. Abb. in c. tue 5. de Procurat. n. 6. Clar. §. fin. q. 37. n. 3. Barbos. in l. soluto 2. ff. foli. lut. matr. p. 1. pr. n. 139. Haunold. tom. 5. tr. 1. n. 340. Pirhing hic n. 10. Scham-

Schambog. n. 3. Wiestner n. 57. Reiffenstuel n. 42.

96 Si secundum, distinguendum iterum est, an agatur ad Divortium, & separationem conjugum quoad thorum, & cohabitationem, an vero de causa Dotis, & Donationis propter nuptias. Si prius Judex competens est solus Ecclesiasticus c. ad hoc 1. ut lit. non contest. c. tue 5. v. si vero de Procurat. c. porro 3. & c. seq. de Divort. Clar. §. fin. q. 37. n. 3. Covar. p. 2. de Sponsal. c. 7. §. 6. n. 8. Sanch. l. 10. de Matr. D. 8. n. 15. Haun. l. cit. n. 341. Vallensi. bic §. 1. n. 3. Pirhing n. 10. Schambog. n. 3. Reiffenstuel n. 39. Ratio est, quia tunc agitur de sublata obligatione conjugum quoad thorum, & cohabitationem, quae cum oriatur ex Matrimonio, quod inter fideles Sacramentum est, Spiritualis est. Si posteriorius, videndum, an de causa Dotis, aut Donationis propter nuptias agatur principaliter, an incidenter solum, quod scilicet causa illius incidat in causam divortii. Si principaliter de ea agitur, cognitio illius propria erit fori Secularis. Si incidenter, pertinebit & ipsa ad Judicem Ecclesiasticum, ex generali principio, quod Judex, qui competens est respectu cause principalis, etiam cognoscere possit de incidente, modo is Jurisdictionis, quam causam incidentem exposit, non sit incapax. Videantur dicta Libr. 2. Tit. 10. n. 8. & seqq.

97 Quæritur 11. an vir, qui contra uxorem, aut uxor, quae contra virum instituit actionem criminalis Adulterii ad publicam ejus punitionem, hoc Judicio finito, agere de adulterio possit civiliter ad divortium instituendum, seu ad thori separationem, & amissionem Dotis, vel Donationis propter nuptias; aut vice versa, finito Judicio Civili, vir uxorem, & haec virum adulterij criminaliter accusare? v. negativè. Ita Abb. in c. tue 5. de procurat. n. 5. Sot. in 4. dist. 37. q. un. art. 3. ad fin. Corp. Barbos. ad l. 2. p. 1. pr. n. 138. & seqq. foliat. Matr. Sanch. l. 10. de Matr. c. 8. n. 19. Pirhing. bic n. 11. & probatur ex l. quod s. C. tue ff. de Injur. ubi in fine dicitur, Planè si actum est publico Judicio, denegandum est privatum; similiter ex diverso, quando scilicet utrumque ad vindictam tendit juxta Gloss. fin. ibid. atqui utraque haec

actio, ex adulterio competens, tam criminalis, quam civilis, tendit ad punitionem Adulterii, licet prior ad vindictam publicam, posterior ad privatam; nam quamvis Divortium propriè non sit pena, sed prosecutio juris, quod conjux innocens acquisivit ob alterius conjugis adulterium, tamen quoad hanc actionem separatio quoad thorum, & cohabitationem censetur, & appellatur pena, quia ea petitio non pertinet ad compensandum rei familiaris damnum, sed potius instituit in poenam ingratitudinis, & fidei conjugalis violatae: & ideo c. tue cit. fin. actio tendens ad Divortium vocatur *Mixta inter Civilem, & Criminalem*: criminalis enim quodammodo est, quatenus tendit ad Divortium instituendum; Civilis autem, quatenus tendit ad Dotis amissionem, quae tamen etiam pena quedam est, licet applicanda actori. Sanch. n. 19. cit. fin. Pirhing n. 11.

Aliud vero est dicendum, si instituatur Actio Civilis, directè tendens ad interesse, seu iacturam rei familiaris compensandam; ea enim non prajudicat criminali: & hinc finito uno Judicio, alterum institui potest. Et in hoc sensu intelligenda est l. un. C. quand. Civil. att. &c. ubi deciditur actionem Civilem non prajudicare criminali; nam Civilem Actionem ibi Impp. appellant eam, quae est *de re familiari*, & poenam principaliter non intendit. Porro hoc casu etiam non refert, quænam actio prius intentetur, prout expressè habetur l. un. cit. & hinc si quis aliqui surripuit rem suam, potest dominus ejus contra furem agere vel civiliter ad compensationem damni illati, vel post illam obtentam criminaliter ad publicam vindictam, nec una actio per alteram tollitur. Pirhing n. 11. cit. Non potest tamen utraque simul intentari in eodem Judicio, ut notat Gloss. in l. un. cit. v. utraque; quia cum actio criminalis sit dignior, & major, quam Civilis, non possunt simul æquè principaliter cumulari: æquè principaliter, inquam; quia nihil impedit, quo minus actor, quando principaliter instituit actionem criminalis, accessoriè possit pertere compensationem damni in re familiaris. Sanch. l. cit. n. 19. pr.